



## MEMORIA ECONÓMICA E DE TRANSPARENCIA DO CONVENIO DE COLABORACIÓN ENTRE A AXENCIA GALEGA DE DESENVOLVEMENTO RURAL E A UNIVERSIDADE DE SANTIAGO DE COMPOSTELA PARA A POSTA EN MARCHA DUN PROXECTO DE AVALIACIÓN, TESTAXE E MELLORA DE FERRAMENTAS DE AXUDA Á PLANIFICACIÓN DOS USOS AGROPECUARIOS E FORESTAIS

**Expediente:** CNV23\_09

### ANTECEDENTES

**Primeiro.-** A Axencia Galega de Desenvolvemento Rural adscrita á Consellería do Medio Rural, é unha axencia pública autonómica dos previstos no artigo 45 a) da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, creada pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo que promove e coordina o desenvolvemento rural en Galicia para mellorar a calidade e as condicións de vida dos habitantes do medio rural e contribuír á cohesión do territorio galego. A dita lei de creación está modificada, entre outras, pola Lei 11/2021, do 14 de maio, de recuperación da terra agraria de Galicia (DOG núm. 94, do 21 de maio), en cuxo artigo 6 configúrase a Axencia Galega de Desenvolvemento Rural como unha axencia pública autonómica, de conformidade coa Lei 16/2010, do 17 de decembro, de organización e funcionamento da Administración xeral e do sector público autonómico de Galicia, coa consideración de medio propio e servizo técnico da Comunidade Autónoma de Galicia.

De conformidade co disposto na Lei 11/2021, a Axencia Galega de Desenvolvemento Rural promove, mediante a creación das aldeas modelo, a recuperación da actividade económica e social dos terreos de antigo uso agrícola, gandeiro e forestal e daqueles que se encontren en situación de abandono e infrautilización, así como dos núcleos incluídos nelas, co obxectivo de permitir a súa recuperación demográfica e a mellora da calidade de vida da súa poboación. Ten competencias para a iniciación do procedemento para a aprobación dos polígonos agroforestais de iniciativa pública e diseña, programa e executa as medidas de recuperación da xestión da terra agroforestal de Galicia supervisando, coordinando e difundindo as políticas e estratexias de desenvolvemento rural, en especial as orientadas á recuperación das terras forestais e da superficie agraria útil como base da bioeconomía.





A Axencia Galega de Desenvolvemento Rural está a poñer en marcha os primeiros catálogos parciais de solos agropecuarios e forestais a distintas escalas territoriais (local, parroquial, municipal e comarcal), para o cal se teñen seleccionado zonas piloto de zonificación.

Para levar a cabo este obxectivo é necesario desenvolver e validar as metodoloxías máis axeitadas para cada escala territorial, así como dispoñer de ferramentas informáticas que faciliten a súa aplicación aos técnicos da Axencia Galega de Desenvolvemento Rural.

Neste marco a Axencia Galega de Desenvolvemento Rural quere acometer a posta en marcha deste convenio que poidan afectar a elementos do ámbito da mellora da calidade de vida da poboación que farán do medio rural un lugar mais atractivo e polo tanto favorecerán a fixación da poboación no campo galego e mesmo do tecido produtivo, ao ser estas actuacións interesantes dende o punto de vista de posibilitar o acceso a servizos non existentes ata o de agora.

Co fin de que o modelo de catálogo de solos agropecuarios e forestais de Galicia poida estar en pleno funcionamento a partir de 2024, a Axencia Galega de Desenvolvemento Rural, organismo que ten a competencia para desenvolver en Galicia instrumentos de ordenación e planificación dos terreos agroforestais e, en concreto, como responsable de promover os catálogos previstos na Lei 11/2021, estaría interesada en testar o programa OpenRules e levar a cabo o proceso de adecuación necesario para que esta ferramenta dea resposta ás necesidades e aos requirimentos establecidos na Lei 11/2021 para os catálogos parciais de solos agropecuarios e forestais e para o Catálogo de solos agropecuarios e forestais de Galicia.

**Segundo.-** Pola súa parte, a Universidade de Santiago de Compostela A través do Laboratorio do Territorio (GI-1934 TB), a Universidade de Santiago de Compostela ten experiencia en estudos relacionados coa ordenación e planificación sostible de terras e do territorio, participando na execución material de diversos proxectos relacionados e tendo desenvolto diversas metodoloxías e ferramentas de axuda á planificación de usos da terra agrícola e forestal. Unha destas ferramentas, é o programa informático OpenRules (Open Rural Land-use Exploration System), que consiste nun conxunto de módulos integrables no Sistema de Información Xeográfica (SIX) gvSIG, inscrito en data 10/09/2010 no Registro General de la Propiedad Intelectual con número de asiento rexistral 03/2010/1397, número de solicitude SC-382-2010, título OpenRULES (OPEN Rural Land-Use Exploration System), obxecto de propiedade intelectual "programa de ordenador" e clase de obra "programa de ordenador".

OpenRules implementa varios algoritmos de avaliación da aptitude da terra e ordenación de usos agroforestais publicados en revistas científicas internacionais de impacto (indexadas no Journal Citation Reports), que teñen sido testados en procesos de planificación e ordenación de usos a nivel local dentro do marco da lei





9/2002 de ordenación urbanística e protección do medio rural de Galicia, empregándose para a ordenación do solo rústico nos Plans Xerais de Ordenación Municipal (PXOM) dos concellos de Guitiriz, Castroverde e Láncara.

O obxectivo da Universidade de Santiago de Compostela é de continuar a mellora dos algoritmos de OpenRules e, en particular, a súa adecuación a outros procesos de planificación de usos da terra, cun interese enfocado á súa utilización a través de Sistemas de Información Xeográfica consolidados a nivel de usuario, facilitando así a súa implantación práctica.

## OBXECTO

O convenio ten por obxecto regular as condicións de colaboración entre a Axencia Galega de Desenvolvemento Rural e a Universidade de Santiago de Compostela, para a posta en marcha do proxecto de avaliación, testaxe e mellora de ferramentas de axuda á planificación dos usos agropecuarios e forestais, sempre que se desenvolvan baixo os conceptos e condicións que se detallan no Anexo I (*Plan de traballo*) do citado convenio.

Esta colaboración vai dirixida a aplicar e mellorar a ferramenta informática OpenRules co fin de facilitar a súa aplicación á elaboración dos catálogos de solos agropecuarios e forestais promovidos pola Axencia Galega de Desenvolvemento Rural. A Universidade de Santiago de Compostela será a encargada de validar a aplicación práctica e real do programa OpenRules no marco da Lei 11/2021 e dos instrumentos de recuperación da terra agraria, co fin de mellorar e ampliar as súas funcionalidades, contribuíndo deste xeito a un avance neste campo de coñecemento.

As actuacións a realizar no marco deste convenio deben estar encadradas nos conceptos e cumprir as condicións que se detallan no Anexo I (*Plan de traballo*) do convenio. Esas actuacións deben ir dirixidas a cumprir, como mínimo, os seguintes obxectivos:

1. Actualización de OpenRules para adaptalo á tecnoloxía actual.
2. Testado e validación de dous catálogos parciais de solos agropecuarios e forestais
3. Mellora e extensión do alcance funcional dos algoritmos de OpenRules para adaptalo aos requirimentos da Lei 11/2021.





## FINANCIACIÓN

Para o desenvolvemento desas actuacións, a Axencia Galega de Desenvolvemento Rural contribúe ao financiamento por un importe máximo de cen mil euros (100.000 €).

A achega da Axencia Galega de Desenvolvemento Rural realizarase con cargo á aplicación orzamentaria que se indica a continuación, dos presupostos da Axencia Galega de Desenvolvemento Rural para os anos 2023-2024:

Aplicación orzamentaria 14.A1.712A.640.4 dos orzamentos xerais da Comunidade Autónoma de Galicia para os anos 2023-2024 código de proxecto 2021-00001.-" Ordenación de usos y planes integrales de gestión de terras agrarias".		TOTAL
2023	2024	Importe
35.000€	65.000€	100.000 €

Nos importes indicados entenderase incluído o IVE, sempre e cando este supoña un custo real soportado pola USC. Neste caso deberá presentarse un certificado relativo á situación da USC respecto o IVE.

A USC xustificará ante a Axencia Galega de Desenvolvemento Rural a realización das actuacións recollidas no Anexo I (*Plan de traballo* do convenio ) por un importe total previsto de 100.000 € (detallado no Anexo II do convenio) da seguinte forma:

Anualidade	Importe máximo	Período de realización de gastos e pagamentos	Data límite de presentación da documentación xustificativa
1	35.000 €	01/01/2023 a 01/12/2023	20/12/2023
2	65.000 €	02/12/2023 a 01/12/2024	20/12/2024

O presente convenio estará en vigor dende o momento da súa sinatura ata o 31 de decembro de 2024 sen prexuízo de que as actividades sexan as executadas a partires do 01 de xaneiro de 2023 e de poder ser prorrogado unanimemente polas partes, ata un período de catro anos ou a súa extinción.





Na tramitación administrativa deste expediente incorporaranse os seguintes informes:

- Informe da Asesoría Xurídica da Consellería do Medio Rural.
- Informe da Intervención Xeral da Comunidade Autónoma de Galicia

Por todo o exposto, estímase xustificada a utilización do instrumento do convenio para articular as actuacións de referencia, quedando o devandito convenio fóra do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, do 26 de febreiro de 2014, con independencia de que, de acordo co previsto no artigo 4 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Para a tramitación deste convenio, obsérvase o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela na data da sinatura electrónica.

O Consello de Dirección  
P.D. (Acordo do 11.07.2013)  
A directora xeral  
Inés Santé Riveira

